



NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE BANKETSAAL, MALMESBURY OP DONDERDAG, 20 JANUARIE 2022 OM 09:00

TEENWOORDIG:

Uitvoerende Burgemeester, rdh J H Cleophas (voorsitter)
Uitvoerende Onderburgemeester, rdl J M de Beer

Lede van die Burgemeesterskomitee:

Rdl D G Bess
Rdl N Smit
Rdh T van Essen
Rdl A K Warnick

Ander raadslede:

Rdh M A Rangasamy (Speaker)

Beampes:

Munisipale Bestuurder, mnr J J Scholtz
Direkteur: Finansiële Dienste, mnr M A C Bolton
Direkteur: Elektriese Ingenieursdienste, mnr R du Toit
Direkteur: Siviele Ingenieursdienste, mnr L D Zikmann
Direkteur: Beskermingsdienste, mnr P A C Humphreys
Direkteur: Ontwikkelingsdienste, me J S Krieger
Direkteur: Korporatiewe Dienste, me M S Terblanche
Bestuurder: Sekretariaat en Rekords, me N Brand

1. OPENING

Die voorsitter verwelkom lede en versoek die Uitvoerende Onderburgemeester, rdl J M de Beer, om die vergadering met gebed te open.

2. VERLOF TOT AFWESIGHEID

Geen verskonings is ontvang nie.

3. VOORLEGGINGS/AFVAARDIGINGS/SPREEKBEURTE

Geen

4. NOTULES

4.1 NOTULE VAN 'N GEWONE UITVOERENDE BURGEMEESTERSKOMITEE-VERGADERING GEHOU OP 8 DESEMBER 2021

BESLUIT

(op voorstel van rdh T van Essen, gesekondeer deur rdl A K Warnick)

Dat die notule van 'n Gewone Uitvoerende Burgemeesterskomitee gehou op 8 Desember 2021 goedgekeur en deur die Uitvoerende Burgemeester onderteken word.

5. SAKE VOORTSPRUITEND UIT DIE NOTULES

Geen

6. NUWE SAKE

6.1 BEGROTINGSBEHEERKOMITEE: 2021/2022 HALFJAARLIKSE AANSUIWERING-KAPITAAL- EN BEDRYFSBEGROTING, TEGNIESE AANBEVELINGS (5/1/1/1, 5/1/1/2, 5/1/4)

Die halfjaarlikse aansuiweringskapitaal- en bedryfsbegroting is deur die Begrotingsbeheerkomitee gehou op 13 Januarie 2022 oorweeg ten einde tegniese aanbevelings aan die Uitvoerende Burgemeesterskomitee voor te lê en derhalwe word –

BESLUIT (vir oorweging deur die Raad op 27 Januarie 2022)

- (a) Dat kennis geneem word dat die Begrotingsbeheerkomitee vergader het om die verduidelikings en motivering van die finansiële personeel en ander direkteure te oorweeg in 'n poging om die Uitvoerende Burgemeester te adviseer insake die pad vorentoe;
- (b) Dat die Raad kennis neem van die voorgestelde aanpassing (wat verband hou met Artikel 19) ten opsigte van die Riool Werke Projek: Moorreesburg (**Annexure A-2: Capital Projects ito Sec 19**);
- (c) Dat goedkeuring verleen word om die hoë-vlak kapitaal- en bedryfsbegroting vir 2021/2022 as volg te wysig met geen veranderinge aan die buite jare nie;

	Oorspronklike Begroting 2021/22	Half-Jaarlikse Aansuiwerings begroting 2021/22	Oorspronklike Begroting 2022/23	Oorspronklike Begroting 2023/24
Kapitaalbegroting	166 435 729	166 040 448	132 744 732	136 678 848
Bedryfsuitgawes	911 967 149	951 133 356	983 835 346	1 055 314 274
Bedryfsinkomste	968 875 613	1 007 040 106	1 048 008 388	1 119 714 984
Begrote (Surplus)/ Tekort	(56 908 464)	(55 906 750)	(64 173 042)	(64 400 709)
Minus: Kapitaal Toekennings, Donasies & Ontwikkelingsbydraes	47 912 409	48 027 246	45 865 556	50 788 078
(Surplus)/ Tekort	(8 996 055)	(7 879 504)	(18 307 486)	(13 612 631)

- (d) Dat kennis geneem word dat die veranderinge in die begroting geen impak op tariewe het ten opsigte van die 2021/2022 finansiële jaar nie maar sal lei tot 'n afname in die begrote netto surplus van R8 996 055 na 'n begrote netto surplus van R7 879 504;
- (e) Dat die ongemagtigde uitgawe van R13 258 009 vir die 2020/2021 finansiële jaar gemagtig word as deel van die aansuiweringsbegroting in lyn met artikel 32(2)(a)(i) van die Wet;
- (f) Dat die aangepaste begrotingskedules soos vereis deur die Begroting en Verslagdoening Regulasies goedgekeur word soos vervat in (**Annexure C: Budget Report and B-Schedules 2021/22 – 2023/24**);
- (g) Dat die Direkteur: Finansiële Dienste voldoen aan die vereistes van die Begrotingsomsendbriewe en –formate in die konteks van die verslagdoeningsvereistes aan Provinsiale en Nasionale Tesourie;
- (h) Dat die Dienslewering- en Begrotingimplementeringsplan (SDBIP) dienooreenkomstig gewysig word.

6.2 WYSIGING VAN KPI'S EN TEIKENS VIR 2021/2022 (2/4/2)

Die kernprestasië-indikatore (KPI's) en teikens vir die 2021/2022 is op 20 Mei 2021 deur die voormalige Uitvoerende Burgemeesterskomitee goedgekeur.

Dit is egter noodsaaklik om na afloop van die eerste semester van die KPI's en teikens te wysig om óf die beskrywing te verbeter óf 'n meer realistiese teiken daar te stel.

BESLUIT

(op voorstel van rdl N Smit, gesekondeer deur rdl A K Warnick)

- (a) Dat die aangehegte sleutelprestasië-aanwysers (KPI's) en teikens - met die uitsondering van die volgende KPI in paragraaf 2.1: *"Correspondence addressed in a timely manner"* - goedgekeur word met ingang van 1 Julie 2021 (terugwerkend); en
- (b) dat die heraktivering van genoemde KPI in paragraaf 2.1 eers met die Mei 2022 wysiging van KPI's en teikens oorweeg word.

6.3 KWARTAALVERSLAG: PRESTASIE VAN KONTRAKTEURS (8/1/B/1)

Die verslag ten opsigte van die kwartaallikse prestasië-evaluering van kontrakteurs wat ingevolge die Voorsieningkanaalbestuursbeleid aangestel is, word voorgelê ter voldoening aan Artikel 116(2) van die MFMA en die kernprestasië-indikator van die Munisipale Bestuurder, naamlik:

"Number of reports on the management of the contracts or agreements (supply chain) and the performance of contractors submitted to mayoral committee."

BESLUIT

(op voorstel van Rdh T van Essen, gesekondeer deur rdl J M de Beer)

Dat kennis geneem word van die kwartaalverslag ten opsigte van die prestasië van kontrakteurs vir die periode 1 Oktober 2021 tot 31 Desember 2021.

6.4 VOORGESTELDE VERHURING VAN NYWERHEIDSGROND TE MOORREESBURG VIR AKKERBOUDOELEINDES (12/2/5/5-9/2)

Die Munisipaliteit beskik oor ±17,7 ha grond in Moorreesburg. Dit word aan die hand gedoen dat 'n openbare mededingingsproses weer deurloop word om die grond vir akkerboudoeleindes beskikbaar te stel, ten behoeve van of aan 'n plaaslik Moorreesburg-gebaseerde openbare weldaadsorganisasie, wat met hetsy welsyns-, humanitêre of kulturele aktiwiteite gemoeid moet wees.

BESLUIT

(op voorstel van rdl N Smit, gesekondeer deur rdh T van Essen)

- (a) Dat goedkeuring verleen word dat voorstelle ingewin word vir die verhuring van 'n gedeelte (groot ± 17.7 ha) van erf 1133, Moorreesburg vir 'n periode wat nie twaalf maande oorskry nie, met ingang vanaf 1 April 2022;
- (b) Dat voorstelle ingewin word op die basis en voorwaardes soos vervat in die konsep kennisgewing in Aanhangsel B tot die verslag;
- (c) Dat die Munisipale Bestuurder met volmag beklee word om 'n komitee aan te wys om die voorstelle wat ontvang word te oorweeg en 'n toekenning te maak in oorlegpleging met die betrokke wyksraadslid;
- (d) Dat die Direkteur: Korporatiewe Dienste met volmag beklee word om die inhoud van die huurooreenkoms te finaliseer, asook die ondertekening daarvan;
- (e) Dat die voornemende huurder daarop bedag gemaak word dat aanplanting nie mag oorskry op erf 5520, wat aan Boland Diesel h/a AfricOil behoort en moontlik binnekort ontwikkel sal word nie.

6.5 UITSTAANDE DEBITEURE: DESEMBER 2021 (5/7/1/1)

'n Volledige verslag van die stand van uitstaande debiteure is met die sakelys gesirkuleer.

BESLUIT

(op voorstel van rdl A K Warnick, gesekondeer deur rdh T van Essen)

Dat kennis geneem word van die verslag aangaande die stand van Swartland Munisipaliteit se uitstaande debiteure vir Desember 2021.

6.6 VORDERING MET UITSTAANDE VERSEKERINGSEISE (5/14/3/5)

Ingevolge die Batebestuursbeleid moet maandeliks verslag gedoen word insake die uitstaande versekeringseise.

BESLUIT

(op voorstel van rdl J M de Beer, gesekondeer deur rdl N Smit)

Dat kennis geneem word van die stand van uitstaande versekeringseise tot en met 31 Desember 2021 soos met die sakelys gesirkuleer.

6.7 VERSLAG INSAKE DIE IMPLEMENTERING VAN DIE VOORSIENINGKANAAL-BESTUURSBELEID VIR DIE PERIODE 1 OKTOBER 2021 TOT 31 DESEMBER 2021 (8/1/B/2)

'n Verslag insake die implementering van die Voorsieningkanaalbestuursbeleid moet op 'n kwartaallikse basis ingevolge paragraaf 6(3) van die Munisipale Voorsieningkanaalbestuursregulasies aan die Uitvoerende Burgemeester voorgelê word.

Die verslag vir die periode 1 Oktober 2021 tot 30 Desember 2021 is met die sakelys gesirkuleer.

BESLUIT

(op voorstel van rdl A K Warnick, gesekondeer deur rdl D G Bess)

- (a) Dat kennis geneem word van die kwartaalverslag ten opsigte van die implementering van die beleid vir die Voorsieningkanaalbestuursbeleid soos beoog in artikel 6(3) van die regulasies, asook verslae oor die formele tenders (bylae A), informele tenders (bylae B), en die Afwykingsverslag (Aanhangsel C);
- (b) Dat kennis geneem word van die dienste wat gelewer word vir die periode 1 Oktober 2021 tot 31 Desember 2021, met verwysing na die uitsonderings waar dit onprakties is om die mark te toets en daarom 'n afwyking van die verkrygingsprosesse regverdig ingevolge paragraaf 2(6) van die Beleid oor die Voorsieningkanaalbestuursbeleid (Bylae D);
- (c) Dat kennis geneem word van Covid-19-verwante noodaankope onder die drempelwaarde van R30 000,00 tot 'n bedrag van R4 964,55.

6.8 AFWYKING VAN DIE VOORGESKREWE VERKRYGINGSPROSEDURES VIR DIE BASIESE VERKEERSBEAMPTO OPLEIDING (8/1/B/2)

Daar is vier amptenare geïdentifiseer vir opleiding as Basiese Verkeersbeamptes om, onder andere, behulpsaam te wees met die afdwinging en bevordering van skuldinvordering. Die Gene Louw Traffic College is die alleen diensverskaffer wat hierdie tipe opleiding aanbied.

BESLUIT

(op voorstel van rdl A K Warnick, gesekondeer deur rdh T van Essen)

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuursbeleid;

6.8/...

- (b) Dat kennis geneem word van die aksie deur die Munisipale Bestuurder om die aanstelling van *Gene Louw Traffic College* te magtig vir die opleiding van vier amptenare as Basiese Verkeersbeamptes;
- (c) Dat die redes vir die afwyking van die voorgeskrewe verkrygingsproses soos volg aangeteken word:
 - (i) die *Gene Louw Traffic College* is die enigste diensverskaffer wat ten volle geakrediteerde opleiding verskaf wat benodig word vir Basiese Verkeersbeamptesopleiding oor 'n periode van 12 maande;
- (d) Dat die aanstelling ten bedrae van R140 498,60 (BTW uitgesluit) geïmplementeer word en dat die uitgawe teen posnommer 9/213-1195-953 (*Training: Efficiency Development*) in die 2021/2022 begroting verreken word;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

**(GET) J H CLEOPHAS
UITVOERENDE BURGEMEESTER**